

Rumms!

unn nochemol Rumms! hotts gemacht omm Somsdaach um Zwölf unn die Wissbadener Audobohnbrick iss zesomme gesterrzd.

Nodierlich hawwe merr uns dess im Fernseh oogeguggd, die Fraa unn isch, awwer aach de Schorsch unns Kättche hawwe sich dess Spekdakel nitt entgieh losse.

Ess hadd donn aach nitt long gedauert unn de Schorsch hott misch oogerufe: Honnes, dess war e Ding, odder? Merr soll gar nitt glaawe, dass su en Haufe Bedong mett grad mol zwaahunnerdzwonnsisch Kilo Sprengstoff uff de Boddem geleschd werrn kann, nobel, nobel, saach isch.

Isch frooch: Schorsch, was isssen doodebei nobel?

De Schorsch druff: Ei weil doch su enn Sprengstoff vunn dem Nobel erfunde worrn iss.

Isch habb ins Telefon gegrinst. Du moonst de Nobell. Ja, der hott dess Dynamit erfunde, awwer isch waaß nitt, ob dess Dynamit gewese iss, ess soll joo verschiedene Arte vunn Sprengstoff gewwe. Awwer egal was dess war, es warn nor ebbes iwver zwaahunderd Kilo und de Betong, der dort erunnergefalle iss, dess solle su um die fuffzehdausend Tonne soi.

Isch glaab, isch habb dorschs Telefon geheerd, wie de Schorsch soin Kobb geschiddeld hott. Nitt ze glaawe. Wie funktionierd eischendlich su enn Sprengstoff?

Isch gebb ze Antwort: Schorsch, dess werrd merr irschendwo noochlese kenne, awwer isch glaab, doo iss zimmlisch viel Theorie debei, isch ferr moin Deil wills gar nitt wisse.

Doo moont de Schorsch: Isch werr heit emol genau in die Zeidung guggle, villeischd dut doodefoo ebbes droistieh. Awwer noch emol zu dem Nobel. Der hott doch den Nobelpreis gemacht, warum donn dess?

Isch grins widder. Du moonst de Nobell unn de Nobelpreis.

De Schorsch war e bissi beleidischd. Due misch doch nitt dauernd kritisiern, Honnes.

No ja, saach isch, isch moon halt nor, wennde mett emm onnern als wie mir babbele unn Nobel saache dust, dass dich donn ooner auslacht. Ja, unn de Preis? Aach doo kennt merr noochgugge, awwer isch moon gelese ze hawwe, dass der dess desdeweese gemacht hott, weil soin Sprengstoff su e ferscherlich Wirkung hott unn er mett soiner Erfindung zimmlisch reich worrn iss, er wollt halt ebbes gut mache ferr die Welt unn hott den Preis gestift.

E Stunn späder hott misch de Schorsch nochemol oogerufe. Du Honnes, grad war de Hubert omm Telefon, weil der hadd aach dess Sprengstoff im Fernseh geseh. Unn wie merr su iwver de Sprengstoff unn iwver de Nobell – ja Honnes, isch bin noch lernfähig – gebabbeld hawwe, seeder: Der Nobell hädd awwer aach gemoond, dass soin Sprengstoff villeischd enn Kriesch verhinnern odder schneller beende könnt, weil wenn zwaa starke Armeen sich gegenseidisch umbrenge kennde, donn deede die koon Kriesch mettenonner mache unn deede ihr Truppe ufflöse.

Isch habb enn Aacheblig noochgedenkd unn donn gesaad: Enn schlaue Mensch, de Nobell. Mett soim Dynamit hotts nitt geklabbd, im Geeschedeil. Awwer mett dene Atomwaffe iss dess su worrn, uff jeden Fall mett dene gons große Kriesche. Dass die Atomsprengköbb awwer noch ferscherlicher sinn als soi Dynamit, dess hodder sich sellemols nitt vorstelle kenne.

Eiern Honnes